

洪範政鑒

洪範政鑒卷第十一之上

皇極上

傳曰皇之不極是謂不建

鄭康成也。不名體而古

王者五事象五行則王極象天德變化爲陰古
爲陽覆成五行論語曰王爲政以春秋曰政不
是則天之道德於人政也孔子說之曰政不
由王出不得爲政則王君出政之號也極中
也。建立也。王象天以情性覆成五事爲中
之政。王政不中。和則是不立。其有中事也。孔
國曰。皇極大中之道大立其有中事也。孔
之。爲。融曰。大中之道大立其有中事也。孔
人。厥各。眊。鄭康成曰。君與不思立。則各
君。少。精。厥。罰。常。陰。鄭康成曰。王極象天德變化爲陰古
曰。眊。精。厥。罰。常。陰。鄭康成曰。王極象天德變化爲陰古

厥極弱鄭康成曰天為剛德剛氣失散於人
民賢人在下位而無輔此時則有射妖鄭康成
之謂弱也或云懦不恭也時則有射妖鄭康成
極之度也射人將發矢必先於朝廷度之此
於民也射時則有龍蛇之孽鄭康成曰龍為
其象也射時則有龍蛇之孽鄭康成曰龍為
道於天者也屬天蛇龍時則有華孽鄭康成
之類龍無角者曰蛇龍時則有華孽鄭康成
為本蚘蟲之生也時則有馬禍鄭康成曰
於土而逆土者也時則有馬禍鄭康成曰
疾行時則有下人伐上之病夏侯勝曰伐
者精氣情性之神曰魂魂君行不由常所
曰精氣情性之神曰魂魂君行不由常所
無度則足魂之傷王極氣失之病也天於
中之人常春秋傳所稱其毒增以病將不
賢代之也春秋傳所稱其毒增以病將不

病者病不時則有日月錯行星辰失次鄭康

錯行謂薄食闕並見失次謂縮反明經天守

舍之類太公曰人主好武事兵革則日月薄

蝕太白惟五位復建避厥沴五事則五行相失

失行沴違其位復立之者當明其沴見變異則知

此為貌邪言輒改過以共禦之至司之月又

除不言六位天不建其位也曰二月三月

惟貌是司四月五月惟視是司六月七月惟

言是司八月九月惟聽是司十月十一月惟

思心是司十二月與正月惟王極是司鄭康

司主也此皆據夏數夏得天之正康成武疑

此用五事之次則四月五月主視六月七月

主言非也。用五行王相之比。則八月九月主
聽。十月十一月主。思心亦非也。劉向曰。二月主
三月。惟思貌是司。四月。五月。惟視是司。六月
七月。惟思心是司。八月。九月。惟言是司。十月
十一月。惟聽是司。十二月。惟氣似近其實。王
極是司。於四時之氣。似近其實。王
作歲之朝。月之朝。日之朝。則后王受之。歲之
中。月之中。日之中。則正卿受之。歲之夕。月之
夕。日之夕。則庶民受之。鄭康成曰。自正月盡
四月。為歲之中。自九月盡十二月。為歲之
月。盡八月。為歲之中。自九月盡十二月。為歲
之夕。上旬為月之朝。中旬為月之中。下旬為
月之夕。平旦至食時。為日之朝。日中之夕。其
日昧為日之中。下晡至黃昏。為日之夕。其二
辰以次相將。其次受之。二辰謂日月也。假令
歲之朝。日月月中。則假令

公受之。日月夕，則下公受之。歲之中，日月朝則孤卿受之。日月夕，則大夫受之。歲之夕，日朝則孤卿受之。其餘差以尊卑多少，則下士星辰暮同。受之，其餘差以尊卑多少，則下士星辰暮同。暮，夜也。星辰之變，夜見亦與晝同。初昏為朝，夜半為中，將晨為夕，或曰將晨為朝，初昏為朝。夕是離逢作沴，惟鮮之功。謂憂憂見之，象非沴也。言五行無能沴天者也。鮮，殺也。功，成也。惟凶谷之殺，已成，故天垂變異以沴人。禦貌於驕忿，不恭之形。謂若傲很，明德忿類，無期之。以其月從其禮祭之。參乃從祭之。其神力順禦言於訖，眾以其月從其禮祭之。參乃從祭之。其神不怒。禦言於訖，眾以其月從其禮祭之。參乃從祭之。其神從訖止也。止言之失者，在於去止。眾止眾者，不從之刑也。謂若周厲王珣謗，障民口之。

類 禦視於忽似以其月從其禮祭之參乃從

也、止視之失者在於去忽似忽似者不明之刑也、謂若惑於是非象糞滔天不辨度焉之類

禦聽於休攸以其月從其禮祭之參乃從

之失者在於去休攸休攸者不聽之刑也、謂若老夫嚙嚙小子嚙嚙余純純聽我眊眊

類 禦思心於有尤以其月從其禮祭之參乃

從止思心之失者在於去欲有所欲者是不睿之刑也、謂若魯昭公不知禮而習小儀

不情政而欲誅季氏之類 禦王極於宗始以其月從其禮

祭之參乃從止王極之失者在於尊用始祖

五德得失在斯王不極則五事皆失非一惡也、大者易性小者滅身其能宗始則延期受

命之君承天制作猶天之教命說曰皇君也故掌祖廟之歲者謂之天府

極中也建立也人君貌言視聽思心五事皆

失不得其中則不能立萬事失在眊悖故其

咎眊王者自下承天理物雲起於山而彌於

天天氣亂故其罰常陰一曰上失中則下易

曰亢龍有悔貴而無位高而無民賢人在下

位而亡輔如此則君有南面之尊而無一人

之助故其極弱盛陽動進輕疾禮春而大射

以順陽氣上微弱則下奮動政有射妖易曰

雲從龍又曰龍蛇之蟄以存身也陰氣動故
有龍蛇之孽於易乾爲君爲馬任用而強力
君氣毀故有馬禍一曰馬多死及爲怪亦是君亂且弱人
之所去不有明王之誅則有篡弑之禍故有
下人伐上之病凡君道傷者病天氣不言五
行沴天而日月錯行星辰失次者爲若下不
敢沴天猶春秋王師敗績不言敗之者以自
敗爲文尊尊之意也劉歆曰有下體生上之
病說以爲下人伐上天誅已成不得復爲病云

常陰

劉向曰王者失中臣下強盛蔽不明則常陰春秋亡其應久陰不雨是也劉歆以爲自屬常陰

漢昭帝元平元年四月晏駕立昌邑王賀爲嗣賀即位天陰晝夜不見日月賀欲出夏侯勝曰天久陰而不雨臣下有謀上者陛下欲何之賀怒縛勝以屬吏吏白霍光光時與張安世謀廢賀光讓安世以爲泄語召問勝勝

以皇之不極。厥罰常陰。對光讀之大驚。以此益重經術士。後數日卒。共廢賀。此常陰之效也。吳孫亮太平三年八月。沉陰不雨四十餘日。時將誅孫綝。謀泄。綝以兵圍宮。廢亮。此常陰之罰也。

孫皓寶鼎元年十二月。太史奏久陰不雨。將有陰謀。孫皓懼。時陸凱謀因皓謁廟。廢之。不果。皓既肆虐。羣下多異圖。終至降亡。

隋文帝開皇二十年十月。久陰不雨。時獨孤

后與楊素陰譖廢太子勇之應

蜺雲

京房曰有蜺蒙霧霧上下合也蒙如塵雲蜺

日旁氣占曰后妃有專蜺再重赤而專至衝

旱

孟康曰專貞也若五月再重赤而貞至十一月旱也

妻不壹順黑蜺

四背白蜺雙出日中妻以貴高夫茲謂擅陽

蜺四方日光不陽解而溫

服虔曰蒙氣解而溫

內聚茲

謂禽

服虔曰內聚者禮記聚應之聚

蜺如禽在日旁以尊降

妃茲謂薄嗣蜺直而塞六辰迺除夜星見而

赤韋昭曰六辰女不變始孟康曰茲謂乘夫始貴於

夫終行此不變也夫終行此蜺白在日側黑蜺果之氣正直師

古曰果謂干之也妻不順正茲謂擅陽蜺中窺實而

外專夫妻不嚴茲謂媒韋昭曰媒慢蜺與日會

婦人擅國茲謂頃蜺白貫日中赤蜺四背嬌

不答茲謂不次服虔曰言妻有承順之心不

以恩意蜺直在左蜺交在右取於不專茲謂

危嗣蜺抱日兩未及君淫外茲謂亡蜺氣左

日交於外聚不達茲謂不知蜺白奪明而大

溫溫而雨尊卑不別謂媒蜺三出三已三辰

除

韋昭曰若從寅至辰也蜺且見西晏則雨

除則日出且雨臣私

祿及親茲謂罔辟厥異雩其雩先大溫已雩

起日不見行善不請於上茲謂作福雩一日

五起五解辟不下謀臣辟異道茲謂不見上

雩下霧風三變而俱解立嗣子疑茲謂動欲

雩赤日不明德不序茲謂不聰雩日不明溫

而民病德不試空言祿茲謂主祿臣天

孟康曰君

情然用人不以次第為天

雩起而白君樂逸人茲謂放雩

日青黑雲夾日左右前後行過日公不任職
茲謂怙祿彗三日又大風五日彗不解利邪
以食茲謂開上彗大起白雲如山行蔽日公
懼不言道茲謂閉下彗大起日不見若雨不
雨至十二日解而有天雲蔽日祿生於下茲
誣君彗微而小雨已乃大雨下相攘善茲謂
盜明彗黃濁下陳功求於上茲謂不知彗微
而赤風鳴條解復彗下專刑茲謂分威彗而
日不得明大臣厭小臣茲謂蔽彗微日不明

若解不解大風發赤雲起而蔽日衆不惡惡

茲謂閉雲尊卦用事

玉康曰尊卦乾中也

三日而起日

不漏言亡喜茲謂下厝用雲微日無光有兩

雲雨不降廢忠惑佞茲謂亡雲天先清而暴

雲微而日不明有逸民茲謂不明雲濁奪日

光公不任職茲謂不絀雲白三辰上則日青

青而寒寒必雨忠臣進善君不試茲謂遏雲

先小雨雨已雲起微而日不明惑衆在位茲

謂覆國雲微而日不明一溫一寒風揚塵知

倭厚之。茲謂庫。雲甚而溫。君臣故弼。茲謂悖。
顏師古曰。所猶相戾也。悖惑也。厥災風雨。霧風拔木。敗五穀。
已而大霧。庶正蔽惡。茲謂生孽災。厥異霧皆
陰雲之類云。

漢光武建武七年四月。日有暈。抱白虹貫暈。
在畢八度。案占畢爲邊兵。是秋隗囂反。侵安定。
順帝永建五年。白虹貫日。唐檀曰。陰陽之氣。
立爲虹蜺。臣謀反。偏刺日。

靈帝光和元年六月丁丑。黑氣墮北宮。溫明。

殿東廷中黑如車蓋起奮訊身五色有頭體
長十餘丈似龍蔡邕曰此天投蜺也不見足
尾不得稱龍易傳曰蜺之比無德以色親也
潛潭巴曰虹出后妃陰脅王者五色照宮殿
有兵革之事演孔圖曰天子外苦兵威內奪
臣無忠則天投蜺時立皇后何氏及帝晏駕
后攝政二兄秉權謀誅近侍反爲所殺天下
之敗兵先興宮省外延海內起自何氏
是年七月有虹晝見御座玉堂殿前廷中色

青赤

中平六年二月白虹貫日案占天下悉極文
法大擾酷吏橫殺下多相告刑用及族吏慘
毒之應

吳孫權赤烏十一年二月白虹貫日權下詔
深戒天眚

晉武帝太始五年七月日暈再重白虹貫之
惠帝光熙元年十二月甲申白氣若虹中天
北下至地夜見五日滅占曰大兵起明年王

彌汲桑亂擾毒流天下

懷帝永嘉二年二月白虹貫日青黃暈五重

占曰近臣亂諸侯有兵亡其地明年司馬越

暴蔑人主五年胡破京都

一云王者
兵國之象

愍帝建武元年正月白虹彌天三日並照占

曰虹兵氣也天下兵作

海西公太和四年四月日暈白虹貫中六年

三月又白虹貫日暈五重十一月桓溫篡廢

安帝元興元年二月日暈白虹貫之明年桓

靈寶基位

宋文帝元嘉中兩白虹見宣陽門外後廢帝
元徽二年八月夜白虹見四年正月貫日
射妖

魯莊公十八年秋有蜮劉向曰蜮生南越越
地多婦人男女同川妖氣所生故聖人名之
曰蜮蜮猶惑也在水旁能射人射人有處甚
者至死南方謂之短狐顏師古曰即射工也
近射妖死亡之象時莊公將取齊之邪女故

蚺至天戒若曰勿取齊女將生邪惑篡弑之

禍莊不寤遂取之入後通於二叔二叔以死

兩子見弑夫人亦誅劉歆曰蚺盛暑所生非

自越來也

事房曰忠臣進善君不試厥各國生蚺

哀公時有隼集于陳廷而死

顏師古曰隼鳥即今之鵩也

說者以為楷矢貫之

應劭曰楷木名堪為石箭等曲以北皆用之

砮長尺有咫

張晏曰砮鏃也八寸曰咫

陳閔公使使問仲

尼仲尼曰隼之來遠矣昔武王克商通道百

蠻使各以方物來貢肅慎貢楷矢石砮長尺

有咫尺先王分異姓以遠方職使毋忘服故分
陳以肅慎矢試求之故府果得之劉向曰隼
貪暴類也矢貫之近射妖也死於廷國亡表
也象陳區霧不服事周而行貪暴將致遠夷
之禍爲所滅也時中國齊晉南夷吳楚爲強
陳交晉不親附楚不固數被二國之禍後楚
有白公之禍陳乘而侵之卒爲楚滅

漢靈帝光和中西雒陽男子夜龍以弓箭射北
闕吏收考問辭居貧負責無所聊生因買弓

箭以射北闕近射妖也

龍從兄陽求脫錢陽與錢千龍意不滿欲

破陽家因持弓矢射東

關三發吏士呵縛首

其後車騎將軍何苗與兄大將軍進部兵攻

擊戰闕下苗死兵敗殺數千人雒陽宮室內

人燒盡

應劭曰龍者陽類君之象夜者不明之應此其象也

蜀車騎將軍鄧芝征涪陵見黑猿綠山手射

中之猿拔其箭卷木葉塞其創芝曰嘻吾違

物之性將死矣俄而卒此射妖也

一曰猿母抱子芝射

中芝之子為拔箭取木葉塞創芝歎息投弩水中自知當死

晉恭帝爲琅邪王好竒戲嘗開一馬於門內
令人射之欲觀幾箭死左右曰馬國姓也射
之不祥乃止馬已被十箭矣此射妖也俄而
禪位於宋

東魏靜帝武定四年後齊神武親率諸軍攻
西魏於玉壁帝不豫班師將士震懼皆曰韋
孝寬以定功弩射殺丞相西魏下令國中曰
勁弩一發凶身自殞神武聞而惡之其疾暴
增近射妖也射者兵戎禍亂之象氣違天則

禍暴將起神武行殿中將軍曹魏曰王以死
氣背生氣爲客不利主人則可帝不從頓軍
五旬頻戰衄又聽孤虛之言於城北斷汾水
起土山其處天險千餘尺功不就死者七萬
氣違天之咎其年靜帝晏駕明年王思政擾
河南

後齊後主武平中後主自并州還鄴至八公
嶺夜與左右歌而行有一人忽發狂意主以
爲狐媚伏草中彎弓射之傷數人幾中後主

執而斬之其人不自覺也狐而能媚獸之妖
妄也帝不恤國政專與內侍酣歌爲樂未幾
國滅

洪範政鑒卷第十一之上

洪範政鑒卷第十一之下

皇極上

龍蛇之孽

夏后氏末有二龍止夏廷而言余褒之二君也

哀古夏帝卜殺之去之止之莫吉卜請其釐而

藏之乃吉應劭曰釐沐也血也於是布幣策告之龍亡而

釐在乃匱去之夏亡傳匱於商周三代莫發至

厲王末發而觀之釐流于廷厲王使婦人羸而

諱之釐化為黑黿入後宮處妾遇之而孕處妾官中

也童大生子懼棄之宣王立女童謠曰壓弧箕

服實亡周國

壓山桑之有無文者木弓曰弧服盛箭者箕草似荻而細織之

服爲後有夫婦鬻是器者宣王執而戮之既去

見處妾所棄子聞其夜號哀而收之遂亡奔

褒褒人有罪入妖子以贖是爲褒姒幽王見

而愛之生子伯服王廢申后及太子宜咎而

立褒姒伯服代之廢后之父申侯與繒西犬

戎共攻殺幽王詩曰赫赫宗周褒姒滅之劉

向曰夏后季世周之幽厲皆詩惡違天故有

龍龜之怪近龍蛇孽也女童謠者禍將生於女國以兵寇亡也

魯莊公時有內蛇與外蛇鬪鄭南門中內蛇死劉向曰近蛇孽也先是鄭厲公劫相祭仲而逐兄昭公代立後厲公出奔昭公復入死弟子儀代立厲公自外劫大夫傅瑕使僂子儀傅瑕鄭大夫此外蛇殺內蛇之象蛇死六年而厲公立莊公以問申繻繻曰申繻魯大夫也人之所忌其氣爽以取之妖由人興也人亡豈焉妖

不自作人棄常故有妖

京房曰立嗣子疑妖蛇居國門闕

文公十六年夏有蛇自泉宮出

泉宮即入于泉臺

國如先君之數劉向曰近蛇孽也泉宮在圉

中公母姜氏嘗居之蛇從之出泉宮將不居

也詩曰維虺維蛇女子之祥又蛇入國國將

有女憂如先君之數者公母將薨象秋公母

薨公惡之乃毀泉臺夫妖孽應行自見非見

而爲害也文不改行循正恭御厥罰而作非

禮以重其過後二年薨

昭公十九年龍闕鄭時門之外有淵時門也

清泉有水之泉劉向曰近龍孽也鄭以小國攝乎晉

楚之間重以強吳鄭當其衝不能修德將闕

三國以自危亡時子產任政內惠於民外善

辭令以交三國鄭卒亡患能以德消變之效

也京房曰東心不安厥妖龍闕

漢惠帝二年正月旦有兩龍見於蘭陵廷東

里溫陵井中溫陵人姓名乙夜去劉向曰龍貴象

而困於庶人井中象諸侯將有幽執之禍其

後呂后幽殺三趙王諸呂亦終誅滅

京房曰有德遺

害厭妖龍見井中又行刑暴惡黑龍從井出

武帝大始四年七月趙有蛇從郭外入與邑中蛇鬪孝文廟下邑中蛇死其後衛太子巫蠱事自趙人江充起

安帝延光三年濟南言黃龍見歷城琅邪言黃龍見諸時帝聽讒免太尉楊震震自殺又帝獨有一子以爲太子信讒廢之是皇不中故有龍孽

桓帝即位大蛇見德陽殿上淳于翼曰蛇有
鱗甲兵之象也見於省中將有椒房大臣受
甲兵之誅後延熹二年誅大將軍梁冀捕治
宗屬楊兵京師

延熹七年六月河內野王山上有龍死長可
數十丈襄楷曰龍者爲帝王瑞易論大人天
鳳中黃山官有死龍漢兵誅莽而世祖興此
易代之應也後魏果代漢

永康元年八月巴郡言黃龍見時民以天熱

就池浴見池水濁因戲相恐此中有黃龍語
遂行人間聞郡欲以爲美故言又先儒言瑞
興非時則爲妖孽而民訛言生龍語皆龍孽也
靈帝熹平元年四月青蛇見御座上時委任
內臣王室微弱楊賜曰詩云惟虺惟蛇女子
之祥宜抑皇甫之權割豔妻之愛則蛇變可消
魏明帝青龍元年正月青龍見郊之摩陂井
中高貴鄉公時黃龍四見皆郡國井中凡瑞
興非時爲妖況困于井魏以改年非也干寶

曰魏世青龍黃龍見者皆其主廢興之應魏
土運青木色而不勝于金黃得位青失位之
象也青龍多見者君德國運內相剋伐也故
高貴卒敗于兵劉向曰龍貴象而曰井中諸
侯將有幽執之禍魏世龍其
不在井此居上者通制之應
高貴者潛龍詩即此旨也

吳孫皓天冊中龍乳於長沙人家啖雞雛皓

後降晉

京房曰龍乳人
家王者不利

晉武帝太康五年正月二龍見武庫井中百
寮將賀劉毅曰昔龍祭夏庭禍發周室龍見

鄭門子產不賀帝曰朕德政未脩未有以應

受嘉祥遂不賀

孫盛曰龍水物也何與於人子產言之當矣但非其所處

寔爲妖災夫龍以飛翔顯見爲瑞今潛伏山處非休祥也

史臣曰武庫

帝王威御之器所藏屋宇邃密非龍所處其後七年藩王相害果有二胡僭竊神器二孽皆字曰龍此爲證矣

咸寧中司徒府有两大蛇長十許丈居聽事平棹上人不知但數年怪府中數失小兒及豬犬之屬後有一蛇夜出被刃傷不能去乃

覺之發徒攻擊移時乃死司徒五教之府皇

極不建故蛇孽見之

漢靈時蛇見御座楊賜以爲帝溺於色之應魏

代官人很多晉又過之此其孽也

惠帝元康五年三月臨淄大蛇長十餘丈負
二小蛇入城北門逕從市入漢城陽景王祠
中不見天戒若曰景王有定傾之功而不厲
節忠慎以至失職奪功之辱今齊王固不寤
雖建興復之功驕陵取禍此其應也
愍帝建興二年十一月抱罕羗奴產一龍子

色似錦文常就母乳遙見神光少得就視此
亦皇之不建帝終淪沒

明帝太寧初武昌有大蛇常居故神祠空樹
中每出頭從人受食案占蛇見於邑不出三
年有大兵國憂尋有王敦之孽

呂纂末龍出東廂井中到其殿前蟠卧比旦
失之俄又有黑龍升其官門或曰龍者陰類
出入有時今屢見必有下人謀上之變後纂
果爲呂超所殺

後魏太武神麇六年二月真君六年二月並有白龍見京師家人井中占曰龍神物而屈井中帝晏駕之象

孝明正光元年八月黑龍如狗走至宣陽門躍上穿門樓而出占魏衰之兆

莊帝永安二年晉陽龍見於井中帝晏駕晉陽之兆

梁武帝天監二年北梁州潭中有龍闕潰霧數里傳曰龍獸之難害者也天之類君之象

天氣害君道傷則龍亦害闕者兵革之象時
帝初即位有陳伯之劉季連之叛國內危懼
京房曰衆心不安厥妖龍出

普通五年六月龍闕于曲阿王陂因西行至
建陵城所經樹木皆折樹木折者國有兵革
園陵殘毀之象時帝專以講論爲務不崇耕
戰將輕卒情君道旣傷故有龍孽之應帝殊
不悟至太清元年黎州水中又有龍闕波浪
涌起雲霧四合而見白龍南走黑龍隨之其

年侯景來降帝納之無備俄而難作

大同十年夏有龍夜因雷墮延陵人家井中旦視之大如驢將以戟刺之俄見庭中及室中各有大蛇如數百斛船家人奔走案占龍陽類貴象上則在天下則在地不當見庶人邑里室家井中幽深之象諸侯且有幽執之禍後侯景幽殺簡文宗室王侯皆幽死

陳文帝太建十一年正月龍見南充州池中未幾後主嗣位驕邪荒怠果以國亡

東魏靜帝武定元年大蛇見武牢城時高澄
悅北豫州高仲密之妻仲密不自安以武牢
叛陰引西魏大戰河陽神武爲西兵所窘僅
而獲免

後齊文宣天保九年有龍長七八丈見齊州
大堂時常山長廣二王權重帝不思抑損明
年文宣晏駕常山廢太子高爲濟南王

武成河清元年龍見濟州浴室中先是秦王
歸彥受昭帝遺詔立太子百年爲嗣而歸彥

遂立長廣王湛廢百年幽死

天統四年貴鄉人伐枯桑得一黃龍折脚於
孔中齊木德龍君象木枯龍折不祥之甚其
年武成晏駕

後主武平三年龍見邯鄲井中有氣色屬天
未幾降于周

七年并州招遠樓下有赤蛇與黑蛇鬪數日
赤蛇死赤齊尚色黑周尚色鬪而死滅亡之
象帝任用邪佞與周師連兵晉州委軍於孽

臣高阿那肱啓敵致敗遂爲周師所虜

後周高祖建德五年黑龍墜亳州而死龍君象黑周所尚色墜死不祥之甚時皇太子不才帝每以爲慮王軌字文孝伯驟請廢立帝不能用後二歲高祖晏駕太子立虐殺齊王及孝伯因而國亡

隋文帝仁壽四年龍見代州總管府井中其龍或變爲鐵馬甲士彎弓上射之象變爲鐵馬近馬禍也彎弓上射又近射妖諸侯將有

兵革之變以致幽囚時漢王諒潛謀不軌故
變兵戒之諒不悟遂興兵反事敗廢爲庶人
幽囚而死

唐明皇開元四年六月郴州馬崖山下白蛇
黑蛇闕白吞黑者口眼流血黑穿白腹出俱
死是月山水暴溢漂五百家

洪範政鑒卷第十一之下

洪範政鑒卷第十二之上

皇極下

華孽

北齊後主武平元年槐華而不結實槐三公之位也華而不實萎落之象明年錄尚書事和士開伏誅隴東王胡長仁太保琅邪王儼皆遇害左丞相段韶薨

陳後主時有張貴妃孔貴嬪並有國色稱爲妖豔後主惑之寵冠宮掖每充侍從詩酒爲

娛一入後庭數旬不出荒恣侈靡莫知紀極
府庫空竭天下怨叛將士離心敵人鼓行而
進莫有死戰女德之咎也及敗主與姬俱投
於井隋師執貴妃而戮之以謝江東傳曰華
者猶榮華容色之象也以色敗國故謂華孽
齊後主有寵姬馮小憐慧而有色能彈琵琶
工歌儻後主拜爲淑妃選采女數千爲之羽
從一女之飾動費千金帝從禽於三堆周師
大至邊吏告急帝欲班師小憐更請合圍由

是遲留而晉州陷。後與周師遇於晉州。坐小
憐而失機者數矣。因而國滅。

馬禍

宋公子地有白馬駟。

地宋元公子也。

公嬖向魋。欲之。

魋宋司馬桓魋也。

公取而朱其尾鬣。以予之地。怒使

其徒扶魋奪之。魋懼將走。公閉門而泣。目盡

腫。公弟辰謂地曰。子爲君禮。不過出境。君必

止子。

辰亦元公子也。

地出奔陳。公弗止。辰爲之請。不

聽。辰曰。是廷吾兄也。遂出奔陳。明年俱入于

蕭以叛犬爲宋患近馬禍也

秦孝公二十一年有馬生人昭王二十年牡

馬生子而死劉向曰皆馬禍也孝公始用商

君攻守之法東侵諸侯至於昭王用兵彌烈

其象將以兵革抗極成功而還自害也牡馬

非生類妄生而死猶秦恃力強得天下而還

自滅之象

其一曰諸畜生非其類子孫必有非其姓者至於始皇果呂不韋子京

房曰方伯分威厥妖牡馬生子上亡天子諸侯相伐厥妖馬生人

漢文帝十二年有馬生角於吳角在耳前上

向

右角長三寸左角長二寸皆大二寸劉向曰馬不當生角猶

吳不當舉兵向上時吳王淠封郡五十餘城

內懷驕恣變見於外天戒早矣王不寤卒舉

兵誅滅

京房曰臣易上攻不順厥妖馬生角呂

不韋曰人君失道馬有生角

成帝綏和二年二月大厰馬生角在左耳前

圍長各二寸時王莽為大司馬害上之萌始矣

哀帝建平二年定襄牡馬生駒三足馬國之

武用三足不任用之象也後侍中董賢年二

十二爲大司馬居上公之位。天下不宗。哀帝
晏駕。王莽收賢印綬。賢恐自殺。又誅外家。丁
傳廢。傳皇后發掘傳丁二太后陵。辜及至尊。
大臣微弱之禍也。

後漢更始二年。發雒陽欲入長安。司直李松
奉引車奔觸北宮鐵柱門。三馬皆死。馬禍也。
時更始失道。將亡之應。

桓帝延熹五年。四月。驚馬與逸象突入宮殿。
近馬禍也。時政衰缺之應。

靈帝光和元年司徒長史馮巡馬生人後巡
遷甘陵相黃巾初起為所殘殺關東各舉義
兵攻伐王政隔塞之應

光和中雒陽水西橋民馬逸走齧殺人時公
卿大臣數有被誅者

晉武帝太熙元年遼東有馬生角在兩耳下
長三寸案占兵象也及帝晏駕王室毒於兵
禍之應也

京房曰臣易上攻不順厥妖馬生
角故謂賢士不足又天子親伐馬

生角曰人
君失道馬生角

惠帝元康八年。皇太子將釋奠。太傅趙王倫
驂乘至南城門。馬上力士推之不能動。倫入
輅車乃進。此馬禍也。天戒若曰。倫不知義方。
終爲亂逆。非傳導行禮之人。倫不悟。欲亡。
又元康九年十一月。有牡騊馬驚奔至廷尉
訊堂。悲鳴死。天戒若曰。愍懷冤死之象。見于
訊堂。其天意乎。

愍帝建興二年九月。蒲子縣馬生人。時帝室
衰微。不絕如綫。胡狄交侵。兵戈日逼。尋而帝

亦淪陷

元帝太興二年丹陽郡吏溧陽楊演馬生駒
兩頭自項前別生而死司馬彪曰此政在私
門二頭之象也其後王敦陵上

成帝咸康八年五月有馬色赤如血自宣陽
門直走入殿前盤旋走出尋逐莫知所在是
月帝晏駕此馬禍也

張重華在涼州將誅其西河相張祚厩馬數
十匹同時悉無後尾

安帝隆安四年十月梁州有馬生角刺史郭
銓送桓靈寶劉向曰馬不當生角猶靈寶不
當舉兵向上靈寶不寤以至夷滅

後趙石季龍在鄴有一馬尾有燒狀入其中
陽門出顯陽門東宮皆不得入走向東北俄
不見佛圖澄曰災其及矣逾年季龍死國滅
南齊明帝建武四年王晏出至市馬驚走步
從車而歸十餘日晏誅又有一蘭馬逐女子
入人家牀下避之馬發牀下食女股肉盡自

是京都頻有寇賊之應梁侯景僭尊號每將戰所乘白馬長鳴蹠足者輒勝垂頭者輒不利西州之役馬卧不起景拜請且筮之不動近馬禍也景因此大敗

陳宣帝太建五年衡州馬生角時帝遣吳明徹出師呂梁與周師拒連兵數歲明徹果爲周虜

梁明帝天保中廣宗有馬兩耳間生角如羊尾時契丹犯塞文宣親御軍擊之即親戰之應

隋煬帝大業四年太原厩馬死者大半帝怒
案主者曰每夜厩中馬無故自驚死巫者視
之巫者知帝將有遼東之役希旨曰先帝令
將鬼兵以伐遼東帝大悅案占違天氣故馬
多死時帝每歲巡幸北事長城西通且末國
內虛耗天戒若曰除厩馬無事巡幸帝不悟
遂至禍

義寧二年帝在江都宮龍厩馬無故死至數

百

與大業四
年占同

人病 人祇附

魯文公十一年敗狄于鹹

鹹魯也

長狄

防風之族

也周虢

兄弟三人一之魯

魯僑如也

來伐魯為

一之齊

榮如也伐齊為一之晉

焚如也

晉滅之

皆殺之身橫九晦斷其首而載之眉見於軾

劉向曰時周室衰微三國為大可責者也天

戒若曰不行禮義大為夷狄之行將致危亡

其後三國皆有篡弑之禍

謂魯文公薨襄仲

齊連稱管至父弑襄公而立無知近下人伐

晉樂書中行偃弑厲公而立悼公

上之病也

劉歆曰此人變屬羸蟲之孽天地之性人爲貴凡人爲變皆屬皇極

京房曰君暴虐疾有道厭妖長狄入國又曰豈其屋下獨苦長狄生世主虜

秦始皇帝二十六年有大人長五丈足履六尺皆夷狄服凡十二人見臨洮天戒若曰勿大爲夷狄之行將受其禍是歲始皇初并六國喜以爲瑞銷天下兵器作金人十二以象之遂自賢聖燔詩書佞儒士務欲廣地南戍五嶺北築長城塹山填谷西起臨洮東至遼東徑數千里故大人見明禍孽之起後十四

年秦亡

魏襄王十三年魏有女子化為丈夫京房曰
女子化為丈夫茲謂陰昌賤人為王丈夫化
為女子茲謂陰勝厥咎亡

婦政
行也

刑一
也男
化為
女官

洪範政鑒卷第十二之上

洪範政鑒卷第十二之下

皇極下

漢景帝二年九月膠東下密人年七十餘生
角角有毛時膠東膠西濟南齊四王舉兵叛
謀由吳起連楚趙七國下密居四齊之中角
兵象上嚮者也老人吳王象也年七十七國
象也天戒若曰人不當生角猶諸侯不當舉
兵以嚮京師也禍從老人生七國俱敗諸侯
不寤明年吳王起兵七國俱滅

京房曰冢宰專
政展妖人生角

成帝建始三年十月京師相驚言大水至渭水虎上小女陳持弓走入橫城門入未央宮尚方掖門殿門門衛戶者莫見至句盾禁中而覺得民以水相驚者陰氣盛也小女入宮殿者下人將因女寵而居有宮室之象名曰持弓有似周家歷弧之祥時帝母王后弟鳳始爲上將秉國政天知其後威天下入宮室故象先見也其後王氏五侯秉權至莽卒篡天下蓋陳氏之後云

京房曰妖言動衆茲謂不信路將亡人司馬死

綏和二年八月，鄭通里男子王褒，衣絳衣，小冠，帶劔，入北司馬門，殿東門，上前殿，入非常室中，解帷組結佩之，招前殿署長業等曰：「天帝令我居此，業等收縛考問，褒故公車卒，病狂，易不自知，入宮，狀下獄死。」時王莽爲大司馬，哀帝即位，莽乞骸就第，天知其必不退，故因是見象，姓名章服甚明，徑上前殿路寢，取組而佩之，稱天帝命。然時人莫察，後莽篡國，哀帝建平四年正月，民驚走，持橐或楮一枚。

傳相付與曰行詔籌道中相遇逢多至千數
或被髮徒踐或夜折關或踰牆入或乘車騎
奔馳以置驛傳行經歷郡國二十六至京師
其夏京師郡國民聚會里巷阡陌設張博具
歌舞祠西王母又傳書曰母告百姓佩此書
者不死不信我言視門樞下當有白髮是時
帝祖母傳后驕與政事杜鄴曰春秋災異以
指象言語籌所以紀數民陰水類也水以東
流爲順走而西行反類逆上象數度放溢妄

以相予違忤民心之應也。西王母婦人之稱博奕男子之事。於街巷阡陌明離閨內與疆外臨事盤樂炕陽之意。白髮衰年之象。體尊性弱難理易亂。門人之所由樞其要也。居人之所以制持其要也。其明甚著。今外家丁傳並侍帷幄。有罪惡者不坐辜罰。亡功能者畢受官爵。春秋所譏。亡以甚。指象昭昭。以覺聖朝。奈何不應。後王后臨朝。王莽爲大司馬。誅滅丁傳。乃莽之應。

建平中豫章有男子化爲女子嫁爲人婦生一子陳鳳曰陽變爲陰將亡繼嗣自相生之

象

一曰嫁爲人婦生一子者將復一世乃絕

平帝元始元年二月朔方女子趙春病死斂棺積六日出棺外自言見夫死父曰年二十七不當死京房曰幹父之蠱有子考亡咎子三年不改父道思慕不皇亦重見先人之非不則爲私厭妖人死復生

一曰至陰爲陽下人爲上

其年六月長安女子生兒兩頭異頸面相鄉

四臂共勾俱前。緝尻上有目長二寸所。京房曰。睽孤見豕負塗。厥妖人生兩頭下相攘善妖亦同。人若六畜首目在下。茲謂亡上。正將變更。凡妖之作。以譴失正。各象其類。二首下不壹也。足多所任邪也。足少下不勝任或不任下也。凡下體生於上。不恭也。上體生於下。媒瀆也。生非其類淫也。人生而大上連成也。生而能言好虛也。羣妖推此類不改乃成凶。靈帝建寧三年春。河內婦食夫。河南夫食婦。

劉昭曰二食夫妻在河南北河者經天亘地之水也河內河之陽夫婦參配陰陽判合成體今以夫之尊在河之陽而陰承體卑吞食尊陽將非君道昏弱無居剛之德遂爲陰細之人所能消毀河南河之陰河視諸侯夫亦家之而自食正內之人時宋后將立而靈帝一聽近侍無所厝心夫以宮房愛惡亦不全中懷抱宋后終廢王甫挾姦陰中列侯實應朕位天戒若曰徒隨嬖人之意夫噉其妻乎

熹平二年六月，雒陽民訛言虎賁寺東壁中有黃人，形容鬚眉良，是觀者數萬，省內悉出，道路斷絕，應劭故往視之，乃漏汙處，膩赭，壁剝數寸，曲折耳。案季夏，土黃中，行用事，又在壁中，壁亦土也。見於虎賁寺者，國之祕兵，扞難禦侮，必是於東，東者動也。言當出師，天下搖動也。及張角起兵，自號黃天，三十六方四面出，和因其疲餒，牽而勝之。

光和元年五月，何人白衣欲入德陽門，辭我

梁伯夏教我上殿爲天子。中黃門呼門吏收縛何人。吏未到。須臾還走求索。不得。不知姓名。其後張角稱黃天作亂。應劭曰。梁董同祖。殆董卓廢帝殺后之驗。袁山松曰。張角不足致此祇。乃曹氏滅漢之兆。中黃門寺乃曹騰家。尤見其證。

二年。雒陽上西門外女子生兒。兩頭異肩。共胷。俱前向。以爲不祥。墮地棄之。自此之後。朝廷霧亂。政在私門。上下無別。二頭之象。亦董

卓廢弑之應

四年魏郡男子張博送鐵盧詣太官博上書

室殿山居屋後宮禁落屋謹呼上收縛考問

辭忽不自覺

劉昭曰魏人入宮既奪漢之兆至後宮謹呼終亦禍廢母后

靈帝時江夏黃氏母浴而化為龜入深淵其

後時出見初浴簪一銀釵及見猶在其首劉

昭曰黃者代漢之色女人臣妾之體化為龜

龜者元也入于深淵水實制火夫君德尊陽

利見九五飛在于天乃備光盛俯等龜龜有

愧潛躍後帝者三不專權之應

獻帝初平中長沙有人姓桓氏死棺斂月餘其母聞棺中聲發之遂生案占至陰爲陽卞人爲上其後曹公由庶士起

建安七年越雋有男化爲女子周羣曰將有易代之事後果禪魏

魏文帝黃初初清河宋士宗母化爲鼃入水明帝太和三年曹休部曲丘奚農女死復生時又開周世冢得殉葬女子數日有氣數月

能言郭后愛養之又太原人發冢破棺有一
生婦人問其本事不知也視其墓木可三十
歲即晉宣帝起之象

元帝咸熙二年八月襄武縣有大人見長三
丈餘跡長三尺二寸髮白著黃巾黃單衣拄
杖呼王始語曰今當太平晉尋代魏

吳孫亮建興二年諸葛恪將征淮南有孝子
服衰入其門詰之云不自覺及恪師還果見殺
孫休永安四年安吳民陳焦死七日復生穿

冢出于寶曰此烏程侯昭永廢故之家得位之祥也

孫皓寶鼎元年丹楊宣騫母年八十因浴化為龜兄弟閉戶衛之掘堂上作大坎實水其中龜入坎遊戲二日常延頸外望伺戶小開便輪轉自躍入遠潭不復還吳亡之象也

晉武帝泰始五年元城人年七十生角此趙王倫篡位之象

咸寧二年十二月琅邪人顏畿病死棺斂已

久家人夢畿曰我當復生急開棺遂出之漸
能飲食屈伸視瞻不能行語二年復死其後
劉元海石勒僭逆遂亡晉室下人爲上之應
惠帝元康中安豐有女子周世寧年八歲漸
化爲男至十七八而氣性成此亦劉石蕩覆
之妖

永寧初齊王囧唱義兵誅暴虐乘輿歸正忽
有婦人詣大司馬門求寄產曰我截臍便去
時囧將復王室天下歸功識者惡之後果斬

戮未幾又有白頭公入囿大司馬府大呼曰
有大兵起不出甲子旬囿殺之明年十二月
戊辰囿敗即甲子旬也

太安元年四月有人自雲龍門入殿前北面
拜曰我當作中書監即收斬之干寶曰禁庭
尊祕之處賤人徑入門衛不覺者宮室將虛
而下人踰之妖也是後帝北遷鄴又遷長安
宮闕遂空

元康中梁國女子許嫁已受禮娉尋而夫戍

長安經年不歸女家更以適人女不樂行其
父母逼強不得已去尋病亡後其夫還問女
所在具說之徑至女墓不勝哀便發冢開棺
女活因與俱歸後壻聞知詣官爭之所在不
能決王導曰此非常事不得以常理斷之乃
還前夫

惠帝光熙元年會稽謝真生子頭大而有髮
兩顴覆向上生便作丈夫聲此僭差之象也
懷帝永嘉五年五月抱罕令嚴根妓產一龍

一女一鵝京房曰人生他物非人所見者皆爲天下大兵未幾平陽爲孽胡所害之應也愍帝建興四年新蔡吏任僞妻產二女腹與心相合自胷以上臍以下各分此天下未一之妖俄而四海分潰帝亦淪沒

元帝太興三年尚書駙謝平妻生女墮地淖淖有聲須臾便死臯目皆在頂上面處如項口有齒都連爲一胷如鼈手足爪如鳥爪皆下勾此亦人生他物非所見者後二年有石

頭之敗

成帝咸康五年，暨陽民王和息女可年二十，自云上天來，還得嘉瑞印綬，當母天下。太守以爲妖，收付獄。有人持柘杖絳衣詣止車門，口列爲聖人，使求見天子，辭稱姓呂名賜。其言王和女可，右足下有七星，星皆有毛，長七寸。天今命可爲天下母，即并誅之。

康帝建元二年十月，衛將軍營兵陳漬女臺有文在其足，曰天下之母。灸之愈，明有司繫

以聞俄亡去明年帝晏駕獻后臨朝之應
孝武寧康初南郡女唐氏化爲丈夫後趙石
虎末犬武殿所圖賢聖像頭悉縮肩中

宋明帝泰豫元年巨人見太子西池上跡長

三尺許

南齊永明五年吳興東遷民吳休之女雙生

二兒肖以上齊以下合

京房曰人生二子二

手以上、臣謀其主、二口以上、國驚見兵三耳

病、三臂以上、天、下、有、兵

洪範政鑒卷第十二之下

洪範政鑑爲宋淳熙祕閣寫
本其真未已見藏國羣書題
跋歲癸未三月廿四日藏國王
人舉行蓬山話舊第十集風
日晴麗牡丹盛開預是集者
張山吳煦德清俞陞雲江安傅

增湘宗室文斌錢唐吳震嘉仁

和邨章靜海馬毓汾潤州胡嗣

瑗易州陳雲誥臨桂張書雲侯

官郭則澐清遠朱汝珍貴陽

邢端獲觀是集談款靡已屬

章記于冊尾

宗鈔本洪範政鑑書後

南宋內府寫本每卷分上下凡為子卷二十四朱絲闌左
右細線無邊闌半葉九行每行十七字樹賢項瑋相構
雖弱值皆為字不成數字不缺筆審為孝宗時重繕本前
有康定元年七月御製序每卷首尾有內府文墨御府
圖書緝熙殿書藉印皆宋代內府所鈐大本堂印為明
代東宮所鈐別有海隅二字則明人藏印也筆法清勁
有唐人寫經風格桑皮玉版厚如梵夾蝶裝舊式凡十二冊
按是書晁陳兩志皆不載宋史藝文志亦未收惟通鑑
長編卷一百一十九載康定元年十一月丙辰內出御撰洪範政鑑
審樂要記風角集占以示輔臣然未詳卷數及刊頒與
否嗣檢玉海卷三天文書類卷二十八御撰亦載此書與審

樂要記并舉其年月日亦同且云政鑑書以皇極為本
上與王洙論五行五事之證采五行五沴及前代庶應
成此書十二卷上自為序云又朱彝尊經義考卷五尚
書類著錄此書全引玉海原文惟注云一作二十四卷佚
是此書撰成於康定頒示輔臣後并未刊行

編云以鳳角
錄云以鳳角

此即著司而不及政
鑑則未刊信可知

逮南渡後孝宗更重錄此本秘藏廣內

致使官私書簿咸失紀載即伯厚所言亦似僅據寶錄
及長編撮其梗概而覩原帙觀於玉海景祐乾象新書
景祐三式太一福應集要皆全載御製序而政鑑序獨
不載可知當時御府珍儲學者固未曾寓目也惟四
庫提要術數陰陽五行類載於存目而所據者為永樂
大典本又知此書明初曾收於大典中清高宗詩第四

集有題洪範政鑑詩一首然亦不著為何本以題大全
德運圖等例推之當亦為大典本若果為宗鈔則高
宗留情翰墨鑑古賞奇寧不特為矜詡耶蓋自宗以
來寥數百年中見於著錄可考見者祇此而已史載
仁宗畏天勤民恭己好學今以傳記參之其經筵講論
秘殿鈔書於洪範五行尤為致意如御撰之書自乾象新
書外有寶元天文祥異書十卷洛書五事一卷其與
臣僚咨討者如景祐元年御延和殿問晁迥以洪範兩
暘之應寶元二年十月乙丑御通英殿問丁度以洪範大
義命錄以進康定二年四月丙午徐復召對上洪範論
皇祐三年九月辛未令王洙進洪範稽疑經注疏四年
九月己巳與王洙講洪範五事因有奉天在於脩德之

諭帝曰王者用五事皆本五行乎沐對曰王者治五行得其性則五事皆善故五事得則有休證失則有咎證是以聖人先謹天戒以脩其身上曰奉天在於脩德戒謹於未然必俟德蓋研覈既久故勒為此編以資考信序中所稱休嘉之來懼省不類昔異之見倣畏厥繇其拳於敬天脩己之誠可以概見焉

憶壬子之夏盛伯義祭酒遺書散出余按目而稽得觀此帙鬱華閣中所度宋元古槧名賢鈔校琳瑯溢架無慮萬籤然絕世奇珍斷推此為弁冕嗣詞知為完顏景樸孫所得欲求錄副本而不可得即請就半畝園中展閱片晷略紀梗概以復恡之雖當日摩挲僅留一瞥然古香異采夢寐不忘者垂十餘年前歲景氏云殂法書名畫散落如煙燭此帙與松雪手書兩漢策要最為晚出策要旋歸濟寧潘氏政鑑尚秘惜不忍去手

僅以重金質余書庫者數月祇完錄副之願而問鼎則未許也今歲初春文德韓估忽來商賂懸值絕高非初意所及料余乃斥去日本朝鮮古刻書三篋得鉅金而議竟成舍魚而取熊掌余心固所甘焉嗚呼自康定成書迄乾淳之間越一百二十餘年中更汴京淪沒吳越播遷垂絕而復續留此再傳之帙僅為一線之延可云幸矣由乾淳至於今日又七百餘年其間伯顏南下庚申北遁順闡西來故宮文物蹂藉於鐵騎之塵摧燒於咸陽之火者殆不可量計即近者辛壬改步鍾簴無驚然天祿珍儲史宬秘籍屬余掌領者檢科簿錄蠹蝕叢殘所餘劣不及半獨緝熙殿物竟深藏四朝宮禁之中巍然而長存雖近以偶疏扁鐫流落人間而玉楮朱

閣新著未觸視太宗實錄乾象新書同一宗鈔而斷
帙塵存何啻翅霄壤歷劫護持殆有神物藏園什襲
月宵騰淩水鉅編儼成雙鑑它時斟酌刊行流傳萬
本茲事豈異人任哉歲在戊辰三月中漸藏園老人記

前跋作於戊辰之春以屬稿倉卒未遑博稽嗣校印徐
星伯宗會要輯本於其中搜得二證焉一曰建炎三年

三月二日行在太史局合要各書下詔訪求內有洪範

政鑑十三冊

三書為二
字之誤

見永樂大典一萬九千七百七十八

卷一曰淳熙十三年二月八日令祕閣繕寫洪範政鑑一

本進納見永樂大典一萬一千九百四十四卷以此觀之
建炎時既下詔訪求至淳熙時必已求得遺本故令
祕閣重繕進御今考本書避帝諱至慎字止是此本

為淳熙祕閣繕進之原帙固彰彰甚明矣嗚呼此先朝
御撰之書明詔海內自建炎三年己酉迄於淳熙十三年
丙午中經五十八年僅乃得之其蒐獲不可謂不艱然
淳熙重繕之本歷元明至今又七百五十餘年雖風塵
兵火得以幸存而踪跡晦霾幾於再絕此余所以深冀
異時規撫原編壽諸黎棗庶無負高孝兩朝搜訪之
盛心匪徒以孤本異書自矜為篋中之祕而已戊寅
四月藏園補誌

歲在乙酉四月初七日命姪適謨補錄

